




16000

Uf. 4276



Uf 4276 a-f



J. C. A.
Livonia

Livonorum

veterum naturam,

Rempublicam, at-

que ritus exponet,

P R A E S I D E

M. HERMANNO Becker

Lemsalia prope Rigam Livono,


RESPONDENTE

JOHANNE WILHELMO BEATOR,

Vitembergensi Saxone,

Ad constitutum diem 19. Junii,

Anno Christi 1700.



VITEMBERGAE,

Typis MARTINI SCHÜTZI, Acad. Typogr.



Prooemium.

QUam antiquitatis notitia ad accuratiorem historiae recentioris cognitionem multum faciat, & haec ex illa mirum in modum illustretur atque adjuvetur, mihi stat sententia *Livonos veteres* in eruditorum lucem producere, quo deinceps eo melius & commodius de *Livonis recentioribus* agere, & nonnihil literis mandare possim. Omnia haec a me pro viribus, quantum subsidia & ingenii imbecillitas permittunt, proponuntur, non hac mente, ut inanem seculi, sed Sanctissimi & summi Numinis gloriam quaerere connitar. Quare non dubito, quin ope DEI suffultus, manum operi admoveam. Ut autem Lector benevolus rerum ordinem habeat, tria iterum capita constituere lubet, quorum primum *Livonorum veterum* naturam, alterum eorum Rempublicam, tertium denique populi huius ritus proponet & explicabit.

Cap. I. De Livonorum veterum

natura.

§. 1.

PRIUS ad rem ipsam quam me accingam, hoc principio monitum volo, me non agere de *Livonis Germanis*, qui terram Livonicam non modo seculo abhinc duodecimo detexerunt, sed etiam eandem bellis diuturnis, durisque gestis, sanguine suo in suam paulatim potestatem redegerunt, sed de *Livonis*, quos vocamus, *Rusticis*, speciatim sic dictis, sive, ut

A 2

unico

1306993

unico verbo dicam, de *Lettis*. Quod ad horum attinet naturam, sciendum, eos esse homines pertinaces & durae cervicis, corpore firmo, & laborum patientes. Neque est, cur quis id miretur, duro enim admodum adolescentiae initio *Lettii* utuntur, & cibis vilissimis, iisque ad digerendum difficillimis vescuntur. Tritum illud sermone proverbium apprime in illos convenit: *natura paucis est contenta*. Saepe ipse in maximam admirationem raptus sum, quoties eos comedentes oculis meis vidi. Si qua natio unquam fuit, quae vilioribus escis se adfueverit, profecto nostri sunt *Lettii*. Quamvis optimum frumentum olim habuerint, & hodiernum habeant, adhibent tamen panem valde nigrum, pistum, sive, coctum dimidiam nonnullam ob inopiam frumenti partem ex palea & frumento, eundemque in aquam quandoque intinctum, vel, quod plus una vice in urbe principe *Riga* non sine animi commotione animadverti, in cadis halecum, cum venditores eo oculos suos non convertunt, frustum panis furtim quasi madefactum, tanto cum appetitu in stomachum suum immittunt. Et hunc panem nigrum, optimi alias odoris & virtutis, si ex solo frumento est coctus, *Semne & Maife*/ hoc est, panem rusticorum nominant Panem contra primum & candidum, *Wages Maife*/ id est, panem *Germanorum* ex linguae suae genio appellare contueverunt.

§. 2. Inter alia optimum *Lettiorum* antiquis temporibus ferculum fuit, triticum, sive, filigo integra nec molita cocta, quod illi lacte, vel cannabis semine condiverunt, quale ferculi genus porcis alias saginatis porrigitur. Huiusmodi ferculum in conviviis suis, quae inter se celebrarunt, magna cum pompa apposuerunt, eoque se adeo delectarunt, ac si genere cibi optimo & apparatu splendido uterentur, quod ipsimet & hodie narrare non dubitant. Et quum in *Livonia* aequae ac in *Curonia* varia pecorum, volatilium, ferarum, pisciumque genera reperian-

periantur, iisdem ciborum loco uti coeperunt. Quoniam vero nullam aromatum notitiam habuerunt, vel plane iisdem, quod omnino veritati consentaneum videtur, caruerunt, eos cibos suos alica, pisces, fabis, lacteque ex parte, huius autem si esset penuria, cannabis semine condivisse atque praeparasse fama accepimus. Et hoc illorum condimentum fuisse apud scriptores fide dignos legimus. *Vid. Einborn. in hist. Lett. p. m. 35.* Huc confer quae *Hennenberger* de *Prussis* annotavit: Die, gar alte Preussen/ so vor den Cimbris in diesem Lande gewesen sind/ die sein gar ein starkes/ grobes/ und unverstän- diges Volk gewesen/ so weder von Gott noch Schrifften/ noch von bürgerlichen Sitten gewußt haben/ roht von Un- gesicht und harrechtig/ wie *Helmondus* sagt/ und als *alb. Kraus* lib. 2. *Vandaliae* c. 18. bezeuget. Wusten nicht von nütlicher, Speise/ daß als die Samen ein Legation auf die Balga schick- ten/ da ahen sie die Ordens-Brüder Salat/ Kohl/ Knob- lauch/ und Petersilien essen/ solches sagten sie zu Haus mit groffer verwunderung nach/ wie sie die Ordens-Brüder, hätten sehen Graß essen/ wie die Pferde/ derhalben sie sich leichtlich in den Wälden erhalten könten/ und zu besorgen/ sie würden mit den Orden derhalben die lange nicht kriegen, mögen. Doch haben sie Fleisch gessen/ *Helmondus* p. 4. seq. Auch wusten sie von guten Geträncke nicht/ sondern truncken Wasser/ Molken/ und Kobel Milch/ und auch Blut/ und, sussen es/ daß sie gleichsam als Volk wurden: Doch trun-cken sie die Milch nicht eher/ dann biß sie zu vorn geheiligt wurde.

§. 3. Quod ad feras attinet, eas laqueis atque retibus ceperunt *Lettii*. Sclopetorum enim usus iis nondum innotuerat, ique demum a *Germanis* ad illos pervenit. Potum eorum fuisse cerevisiam, ex vario frumentorum genere, exempli gratia, ex tritico, hordeo, avena, fagoque, aut si huius non esset copia,

ex sigiline coctam, ferunt. Nec illud est omittendum, eos tempore verno, betulis fluentibus, aquam harum arborum magna de industria vasis imposuisse, potusque loco ea uti fuisse solitos. Quem potum saccharo maloque citreo saepe permixtum, ipsi *Germani* in *Livonia* & in *Curlandia* tempore aestivo ad sitim restringendam etiamnum usurpant. Vocant hunc potum *Germani* *Bird Wasser*. Est hic potus suavis odoris, & ad bibendum satis aptus, omnesque nervos spiritusque mirum in modum reficit, atque excitat. Sed a *Germanis* ad *Lettios*. Praeparant sibi *Lettii* hodieque potum ex aqua atque frumento, vel, farina, & filiqua, & hoc crebro, cerevisia autem parce utuntur. Praeterea *Lettii nostri* potum ex Sylvestribus malis, quibus insuper per hyemem, quando poma haec vieta fuerunt, vesci consueverunt, sibi vulgo confecerunt. Et hunc ritum *Germani* nonnulli hodiernum retinent & observant. *Livoni* autem antiqui alia poma non habuerunt, praeter sylvestria mala, nucesque avellanas. Sic enim de iis scribit *Einbornius*. „Sonst haben die Letten keinerley Obst im Lande gehabt, als die wilden Holz-Aepffel / Haselnüsse / Faulbeere / Kirschen oder Ebischbeere (hie im Lande heisset man sie Pielbeere) dieselben haben sie häufig aufgesamlet / verwahret, und im Winter gegessen. De pomariis, aut plantatis pomis, nihil quicquam sciverunt, vel compertum habuerunt, sed harum plantandarum artem a *Germanis* demum temporis progressu didicerunt. Quo fit, ut ad hodiernum usque diem poma & pyra, *Germanorum* poma vocent, poma contra sylvestria *Semmes Abolus* / hoc est, terrae suae poma nominent, quae apud eos extiterunt, priusquam *Livonia* & *Curoniam* in ditionem *Martiae Gentis* venirent. Haec *Gens Martia*, *Germanos* intelligo, multiplices olerum herbarumque species in universam *Livoniam* introduxit. iisdemque illam locupletavit. Quod omnino ipsis *Lettii* fatendum est. Nec est, ut quis

hoc

hoc de argumento dubitet, res enim omnis sua veritate lucet satis & liquet, nulla in *Livonia* ante *Germanorum* adventum pyra vel poma fuisse inventa, aut ejusmodi olera herbasque, quae hodie ibi conspiciuntur, crevisse. Quod inde affirmare licet, quia *Lettii* nullam his oleribus pomisque imponere nomen possunt, sed iisdem, quibus *Germani*, nominibus & appellationibus utuntur, prout omnes, qui *Livonicarum* rerum sunt probe periti, facile mecum sentient & judicabunt.

§. 4. Et hinc non est mirandum, qui factum sit, ut *Livonos* per vetustos medicinae usus fugerit, nec medicinam adhibuerint, neque ea indiguerint, quia sani valentesque fuerunt, & raro in morbum inciderunt, quod merito simplicitati victus est attribuendum. Quod si vero morbis afficerentur, singulares sibi mulieres elegerunt, quae aegrotos in balneum ductos ibique curatos pristinae sanitati restituerunt. In quibus balneis dubio procul multas superstitiones, atque praestigias intercesse, conjectu haud est difficile. Et hunc sanandi ritum in *Livonia* ipsimet, quod dolendum est, nonnulli *Germani*, *Lettii*que hodierni retinent, atque exercent. Memini ipse, me puerum semel atque iterum a mulierculis in balneis lotum, ex earum ore varias preces, quas tacite secum recitabant, ut eas capere, & intelligere non possem, saepe audivisse. Ejusmodi autem mulierculas, quae tales sanandi, & medendi formulas addiscunt, nisi eas aliis feminis enuncient, & revelent, hora mortis imminente, graviter cruciari & difficulter animam efflare, in patria mea a multis testibus oculatis percepi.

§. 5. Ceterum si quis *Lettiorum* indolem penitus nosse desiderat, eam esse duram, pertinacem atque effrenatam supra jam commemoravi. Ab ineunte statim pueritia duriter educantur, cibis duris nutriuntur, ut quoslibet asperos labores deinceps eo melius perferre, & gravissima opera perficere queant. Et hinc videmus,

eos

eos a pueris, tempestate quacunque suboriente, in campo apud pecudes, & in agris multas calamitates subire, molestiasque perferre, domi autem in fumo cubare atque dormire. Habent enim aedificia, quae intus calefiunt, maximumque inde incommodum sentiunt. Dura eorum natura praeterea ex eo cognoscitur, quod *Germanus* absque summa admiratione haud intuetur, quod frigidissimo hyemis tempore, ex balneo calidissimo, in quo se laverunt, scopisque, quod scoparum genus in balneis apud ipsos quoque *Germanos* in usu est, se propemodum verberarunt & vehementer castigarunt, venientes se in frigidam praecipitent, ex eaque se in hypocausta sua conferant. Quod sane *Germanus* in *Livonia* licet natus, absque vitae discrimine facere non audebit. *Lettios* vero illud praestare, vix quis crediderit, nisi oculis suis usurpasset. Unde hoc oriatur, si quis interrogaverit? hoc habebit responsum, quod ab utero confestim materno duriter habeantur, atque acerbè tractentur. Simul ac namque in hanc lucem veniant, duro admodum vitae genere gaudent, nec delicate educantur, sed in frigore summo, geluque vitam ducere coguntur, & infinita propemodum mala perpeti tenentur. Huc omnino illud pertinet: *a teneris adsuescere multum est*. Quare res admiratione non est digna, *Lettios* acerbissimum frigus perferre. Cum ipse nonnullis abhinc annis in patria mea versarer, *Lettiorum* liberos vel in maximo algore nudos in campis, viisque incedere, & *Lettios* ipsos in urbe *Riga* tempore itidem hyberno pectore nudato circumire saepius animadverti. De *Spartanis* *Alexander* ab *Alexandro* lib. 2. *Genial. dier.* p. 476. c. 25. scribit. *Spartanos* *Lycurgi* legibus institutos, infantes primum editos, ut labore firmentur, rigidissima aqua fovere, nudosque in patientia laboris enutrire, nihilque somni causa sternere proditum est: nec non, cibi portionisque modo praefinito, humili cultu educare, duraque & horrida disciplina

disciplina assuefacere, illis magnae curae fuit. Quare pro-
verbium increbuit, solas *Lacaenas* viros parere. Quod a-
Cretensibus & *Germanis* usurpatum fuit, ut pueri ab ineun-
te adolescentia calores & frigora pati assuescerent, utque vi-
libus tecti amiculis, hyeme pariter atque aestu eodem cultu,
incederent, & in laboriosis exercitationibus, currendo, al-
gendo, aestuando, famem sitimque tolerando, arduasque,
& perdifficiles vias peragrandò, exercerent. Horum ve-
stigiis nostri *Lettii* propemodum insistant.

§. 6. Paucis agendum quoque est de *Lettiorum* vitiis. Vir-
tutibus satis raris elucent *Lettii* nostri, vitiorum vero omni
propemodum genere sunt obruti, atque abundant. A prima
illico infantia, quod *Germani* ex ipsa quotidiana experientia,
fatis superque testari possunt, ad quaevis vitiorum genera,
ac si ad ea nati essent, sunt pròni, ad eaque natura inclinant.
Nullum fere vitium commemorari potest, cui non sint dediti,
labeque illius depravati & contaminati. Mendacia dicere,
fraudulenter agere & decipere, furari, caliditati studere ad
quaevis flagitia committenda, contumeliam, convitia, super-
biam, fastum, hypocrisin, aliis cum primis *Germanis* prae-
sentibus, humanitatem & humilitatem prae se ferre, re au-
tem ipsa fraudes, astutias machinari, & meram falsitatem ex-
ercere, hoc est *Lettiorum* proprium. Ut primum terga ver-
tunt, *Germanos* praesertim ignominia aspergere, maculam
quandam iisdem inurere, de iisque contemtim dicere, &
male existimare, eosque opprobrio & omni dedecori expo-
nere, & sui similibus deridendos propinare optime norunt,
ita ut, si quis *Germanorum* haec audiat, non tam miretur, quam
eorum misericordia capiatur. Est adhuc pessimum vitium,
cui *Lettii* nostri mirum in modum indulgent, quodque vitium
in illis domicilium suum quasi fixit. Homines enim saepe
invicem instigant, atque concitant, famae eorum detrahunt,
omnia mala excogitant, calumniantur, ex re parvi momenti
maxi-

maximam efficiunt, nullum profecto ad alium finem, ut experientia docet, quam ut causam aliis inter se obtrectandi, manumque conferendi, praebeant. Unde accidit, ut non modo maximae rixae & altercationes, atque contentiones suboriantur, sed etiam interdum sanguis profundatur. Et quando inter se contendunt, cultris, fustibus, lapidibus, securibus, falcibusque, si adsunt, utuntur. Quamvis Dominis suis maximas poenas dent, illarum tamen nullam rationem habent, suamque perversam, & indomitam naturam sequuntur. Sunt hi *Lettii* a capite ad calcem corrupti, atque fraudulentissimi. In servitiis Domino praestandis sunt ὀφθαλμοῦδες, & ex animo minimum operis faciunt, quam diu curatores habent, sedulo laborant, statim ut hi abeunt & terga paulisper dant, labores remittunt, & in omnibus ex indole sua praevaricantur. Paucis ut me expediam, nullam ferme gentem esse adeo furto deditam, quam Letticam quotidie comperimus. Quantae fraudi studeant in mercibus, quas ad forum convehunt, vendendis, illud *Germani* suo cum damno haud raro experiuntur. Mirandum profecto ejusmodi crimina a christianis, qui ex verbo divino melius informantur, audiri atque committi, cum tamen homines a vera religione alieni ex lumine naturae multo honestiorem vitam agant. Neque de *Germanis*, antequam sacris initiarentur, ejusmodi vitium auditum vel proditum fuit. Quinimo, *Scythas* gentem omnium pessimam, atque maxime rudem fuisse, maximamque tyrannidem exercuisse inter omnes constat, neque tamen huic se vitio dedisse uspiam egimus. Quare judicare quivis facile potest, qualis sit *celtiorum* indoles ac natura. Dandum quoque nonnihil esset de eorum superstitionibus, quibus hodiernum clam ob poenarum metum indulgent, sed ob chartae hujus angustias illud dissertatione alia praestabo.

§. 7. Operae pretium fore existimo, ut hic afferam, quae *Einhornius* habet. Inter omnes homines, qui in spatio sistimo hoc

hoc orbe terrarum vixerunt, tres istae gentes pro pessimis, habitae sunt: *Cappadoces*, *Cilices*, *Cretes*, ob naturam & indolem pessimam, mores turpissimos, & scelera detestanda, quibus praeditae & aggravatae fuerunt. *Cappadoces* bipedum, pessimi existimati sunt, & natura adeo pessima praediti, ut, nonnulli putaverint, sanguinem illorum adeo venenatum, esse, ut si vipera mala *Cappadocem* apprehendisset, ipsam interire, quod sanguinem venenosum gustasset: quod ipsum hoc disticho indicare voluerunt:

Καππαδοκὴν ποτ' ἐχιδνα κακὴ δάκει, ἀλλὰ καὶ αὐτὴ

κατθανε γευσάμενη αἵματος ἰοβόλου

Cilices crudelissimi fuerunt, quod ipsum proverbium hoc, indicat, κίλικος ὄλεθρος, id est, Cilicium exitium, hoc est, crudele & immane. *Suidas* referente *Joachimo Vadiano* in *Polybist. Solini* c. 57. Conf. *Suidas* p. 499.

Cretensibus peculiare fuisse mendacium, e versiculo, quem, in *Epistola ad Titum* Cap. I. v. 12. ex *Epimenide* Poeta citat *Apostolus*, constat:

Κρητὲς ἀνιψεύσαι, κατὰ θηρία, γαστέρες ἀργαί

Et ex *Ovidii versiculo* Lib. I. de arte amandi

Non hoc, quae centum sustinet urbes,

Quamvis sit mendax Creta, negare potest.

Trium harum gentium pessimarum naturam & mores, pessimos, olim proverbio hoc, quasi aenigmate notare voluerunt veteres: τρία καππακάκιστα. Quamvis *Augustinus* lib. 3. de *Gram.* referente *Vadiano* in *Solin.* c. 57. fol. m. 179. de tribus *Corneliis*, tanquam humani generis pestibus, & bipedum nequissimis, *Cornelio Sylla*, *C. Cinna*, & *C. Lentulo*, id dictum, putet.

Inter has gentes & nostros *Curetes*, sive, *Curones* recte referri, & illos quartum vere Cappa proverbiale constituere puto. Unde versiculo proverbiali veteri hic etiam superaddi, merito potest.

Καππαδόκες, κίλικες, κρητὲς, τέτρα καππακάκιστα

κέρωνοι δὲ κακοί, τέτρατον τοῦ καππακάκιστον.

Cappadoces, Cilices, Cretes, tria pessima Cappa.

Curo ni faciunt, quartum gens pessima Cappa.

„Sunt enim non minus moribus pessimis praediti, & super-
„stitionibus, furto, mendaciis, diris & execrationibus inaudi-
„tis fere deditissimi. Et ut paucis multa complectar, est gens
„fraudulenta, effera, rapax, superba, elata, intemperans, in-
„iusta, iniqua, impia, levis, inconstans, contumeliosa, spurca
„& libidinosa. Quod ipsum affirmat et *Alexander Guagninus in*
descript. Sarmat. Europ. f. 75. his verbis: Quamvis misera gens
fuerit, supra modum tamen est callida, fallax, tumida, atrox
& ad caedes perpetrandas prompta. Miratus sum saepissi-
me, qui fiat, quod in lingua sua exprimere vel nominare non
possint *Conscientiam & Virtutem*: quamvis enim quis noctes
diesque sese maceraverit, haec tamen duo nomina recte &
proprie exprimere vel reddere non poterit. Verum si probe
vitam illorum hominum quis consideraverit, illos nimirum
absque *Conscientia & Virtute* vivere, vel *Conscientia & Virtute*
destitutos esse, mirari desinet. Qua enim ratione *Conscientia &*
Virtus apud gentem aliquam nomen obtinebit, apud quam
nullam obtinet sedem. Haec *Einbornius*.

§. 8. Ne vero quis arbitretur, *Lettios* nostros omnium cor-
ruptissimos nihil quicquam boni habere. unum alterumque
laudis argumentum afferre placet. Ordior a sacris. Laudem
omnino multi *Lettiorum* merentur, quod Verbum DEI tanti
faciant, tantique aestiment, ut, quod saepe oculis meis usur-
pavi, duo, tria, imo & quatuor aut plura nonnunquam milli-
aria suscipiant, ad divinum & salutare verbum avide au-
diendum. Et hoc verbum tanto in pretio habent, ut, si quid
fide affirmare velint, dicant, tam hoc est verum, quam ver-
bum Domini veritate sua innititur. Quando sermones in
templo habentur, magna cum diligentia & religione animi
maximam partem iis interfunt, & oratione sacra finita, &
Ministro Ecclesiae ex sede sacra descendente, voce una in-
haec

haec verba erumpunt: agimus gratias, agimus gratias pro
verbo DEI, quod jam audivimus, ex Te, *gratiosae & dilectae Ec-
clesiae Domine!* quo nomine Pastorem, sive, Sacerdotem aedis
sacrae ex linguae suae genio honorare solent. Num vero e-
jusmodi honoris & amoris verba ex animo semper faciant,
meum non est judicare. Judicet, qui in intima cordis viscera
introspectit, & omnia quam accuratissime novit. Saepe, ut
veritati locum tribuam, cum sermonibus sacris adfuerim,
Lettios mentione Diaboli, qui impios tormentis aeternis af-
fecturus est, facta extimescere & his verbis exclamare: *esto*
nobis propitius DEUS, auribus meis percepi. Nec illud oblivio-
ni tradendum, eos ex templo egressos invicem admonere se
officii & verbi auditi, vitaeque emendationem anxie sibi met
apprecari. Qui illorum externam religionis disciplinam in-
tuetur, iudicium haud iniquum feret. Laudandi quoque no-
stri *Lettii*, quod *Germanos*, quando eos invisunt, omni honoris
cultu excipiant, illosque muneribus, exempli gratia, lino, o-
vis, aliisque donis ornatos dimittant. Et quando Germani ex
urbe quadam, aut alio ex loco venientes *Lettiorum* hospitio
utuntur, ab illis bene habentur & pro virili tractantur. Num-
mos a *Germanis* iter facientibus adeo non desiderant, herbam
autem nicotianam & salem nummis anteponunt, anxie ex-
perunt atque rogant. Unde haud raro, quando ex urbe rus
profectus sum, *Lettios* mihi in via obvios, non potui non mi-
rari, cum primum verbum post consuetam salutationem ex
eorum ore audiverim, *fungs gir tau Taback / tho milo De-
wu dawin* / hoc est, Domine habesne herbam nicotianam,
charum DEI donum, ubi respondi, est mihi, illico partem
hujus herbae, quam edere vel fumigare omnes & singuli, i-
psae quoque feminae solent, exorarunt & mihi pro dono hoc
exiguo hospitia sua obtulerunt. Quod si vero dicerem, non
est mihi herba nicotiana, tristi satis facie me intuentes dixe-
runt, te ex urbe absque hac herba venire, majorem in mo-
dum

dum miramur. Sunt insuper *Lettii* nostri officiosi, observantes & obsequiosi. Ubi *Germani* eos sibi familiares reddunt, ab iisque sive pisces, sive feras, vel anteres, vel gallinas, vel hujus aut alius generis quid efflagitant, pro exigua pecunia, aut quandoque pro quadam nicotianae parte, vel uno alteroque cerevisiae hauſtu afferre non pigrantur. Atque, si a *Germanis* honorifice tractantur, tanto sibi hoc ducunt honori, ut non modo eos domi & foris laudibus efferant, sed iisdem nescio quid muneri mittant, sed omnem quoque *Germanis* honorem habeant. Expertus & illud fui, ut, si a via regia tempore nocturno proficiscendo aberraverim, *Lettios* sic ad servitia promptos offenderim, ut unus alterque, lecto licet jam teneretur, & requieti se daret, surrexerit, duxque mihi fuerit in ipsis tenebris praeecundo, & equum manu ducendo, pro quadam nicotianae parte, gratiis etiam pro ea actis. Haec & reliqua ad *Lettiorum* laudem omnino spectant atque pertinent. De reliquis, alia, si DEUS ita voluerit, occasione.

Cap. II. De Republica Livonorum Veterum.

§. I.

EQuidem variarum Gentium a pio veri DEI cultu olim remotarum Rempublicam, sive regimen, proponere hic & considerare possem, sed chartae ut parcam, illico de *Livonorum veterum* Republica paucis agere lubet. Utor tamen brevi quodam quasi prooemio. Ecquem fugit, homines non christianos, ut idola rectius & conservarentur, & colerentur, sacerdotes suos constituisse, qui non tantum sacra peragerent, & sacrificarent, sed praeterea munere doctorum fungerentur. Similiter atque certum ab iis regnandi ordinem, qui plebi aliisque praeesset, fuisse delectum atque constitutum ecquis negaverit. In lege divina, quam populo suo tulerat Numen sanctissimum & supremum, statum hierarchicum & politicum fuisse distinctum docemur & admonemur. Pari etiam modo homines a DEO uno & trino alieni, diversos status con-

diderunt ac sanxerunt. Alios namque idolis more consueto sacrificium fecisse, aliis potestatem in populum, sive plebem commissam, scriptores fide digni commemorant. Quod ad populum DEI in foedere veteri, sive Judaeos, aut, Hebraeos attinet, illos Aristocratiam sub Mose, Josua, atque deinceps sub iudicibus ad Regem usque Saſlum, sub ipsis vero Regibus Monarchiam, sive, regnum viguisse, sacrae literae hinc inde indicant. Utrumque hunc regiminis ritum, cum primis Monarchiae observarunt homines non Christiani, quod in praecipuis gentibus videlicet in Assyriis, Medis, Persis, Graecis atque tandem in Romanis videre licet, qui singuli Regibus usi sunt, eorumque legibus diutissime paruerunt. Neque tamen vel Aristocratia, vel Monarchia ad *Lettios* applicari possunt. Quemadmodum enim nullos sacerdotes, qui sacra celebrarent, habuerunt, pariter quoque nullum magistratum constituerunt, sed absque legibus & constitutionibus populi instar rudis, barbari atque insipientis, vitam minime honestam egerunt.

§. 2. Sunt quidem nonnulli Chronologi & Historici, qui Principis cujusdam Livonici, cui nomen fuit *Cobbe*, meminerunt. Hunc *Funcsum* in *Chronolog. lib. 10. fol. 118.* Principem Livoniae vocat. Num vero se gesserit, prout reliqui Principes & dominatores se exhibuerunt, atque terras bono regimine, & iustitia, quam DEUS administrari serio demandavit, praefuerit, & succedendi jus reliquerit, de hoc argumento certi nihil quicquam proditum est. Ferunt praeterea nonnulli, in *Curonis* singularem quendam regem fuisse, quomodo autem regnaverit, & utrum regnum electitium fuerit, an haereditarium, qualive regendi modo usus, ad hunc usque diem investigari non potuit. Et haec est causa, quamobrem sentiam cum *Einhornio*, quod *Curonis*, si quis inter eos apparuit, quem regis nomine salutarunt, eundem contra *Germanos*, terra *Livonia* ab iis occupata, elegerint, ut illos contra *Germanorum* imperium tueretur, terraeque salutem procuraret. Quod inde affirmare licet, quia *Lettii* & *Curones* in lingua sua nomen Regis, reginae, principis, vel alius cujusdam rectoris ignorant, sed nominum horum initia repetunt a vocabulis Germanicis. Cum vero nomina haec illis non innotuerint, officia regis & principis similiter defuisse conjectura quivis assequi potest. Quare eos inter se gentis barbarae & rudis instar, & de republica non instructae, vitae curriculum confecisse vero est simile. Atque quoniam nullam librorum, doctrinarum, legumque cognitionem habuerunt, ad legem naturae, quae unicuique dicitur, honeste esse vivendum, neminem laedendum, suum cuique tribuendum, se componere debuerunt.

§. 3. Ceterum sub initium latroqueque vestigiis insisterent, atque armis destituti aliis, arcus & sagittas adhibuerunt, quo se his aduersus hostes defenderent, terramque suam in potestate sua retinerent. His armis, *Germanis*, quum in *Livoniam* pervenisſent, fortiter obviam iverunt, eosque interficere conati sunt, sed primo statim incurſu superati, & cum

& cum exigua saepe manu victi, atque fugati sunt. Quamvis autem interdum ab iis eladem acceperint *Germani*, illud tamen temerario, quodam ausu accidit. Inexercitatorum enim fere est proprium, ut audacter & absque ulla ratione quaevis aggrediantur, sed semetipsos summo vitae periculo exponant atque sic pereant.

Cap III. De Livonorum Veterum ritibus.


§. 1. PRIMUM rituum argumentum ducere lubet ab agricultura. Agriculturam, vetustissimum esse instrumentum, quo homines a multis inde seculis se aluerunt, vitamque conservarunt, nemo facile inficias ibit. Quae causa fuit, quod *Aristoteles* agriculturam modum acquirendi naturalem nominaverit, ut legimus *lib. 1. Oeconom. Cap. 2.* Hoc primo aeque ac naturali medio, ut vocant, *Livoni veteres* iidem usi sunt, & agricultura se suosque nutriverunt ac sustentarunt. Ubi vero silvas densissimas, quae magno hodiernum numero confitae reperiuntur viderunt, atque adeo agris se destitutos animadvertunt, quilibet eorum de sylvis caedendis, quo in iis arare, seminare, atque hac ratione sibi agros acquirere posset, cupide elaboravit. Cum itaque hoc opus fuerit molestum non minus quam difficile, factum hinc est, ut quisvis ejusmodi agros & prata, sudore suo sibi comparata, in perpetua possessione tenuerit. Hic *Lettiorum* agros adipiscendi & possidendi ritus modusque olim fuit.

§. 2. Quo ipso fit, ut ad hodiernum usque diem agros & prata, a domiciliis suis nimis remota habeant nonnulli, quae tamen ad eos pertinent. Neque illa peregrinus quis sibi assumit, etiam si ante illius fores quasi jaceant, sed possessori suo legitimo relinquit & permittit. Hujusmodi autem agros, prata atque domicilia, pecora similiter & quicquid possederunt, prout reliquae gentes liberis posterisque suis, qui illa omnia jure hereditatis acceperunt, reliquerunt atque tradiderunt.

§. 3. Circa ipsum tradendi ritum hoc est observandum, bona, quae moveri non poterant, in junioris filii possessionem pervenisse. Hic illorum haeres fuit, hac ex ratione, quia post parentum ex hac vita abitum natu minimus, censebatur & habebatur. Cum itaque bonis immobilibus propter teneram aetatem parum adhuc usus esset, illi jure hereditatis tradebantur, ut eis deinceps firma possessione frueretur, atque sic ad eundem pertinebant. Natu contra majores, quoniam patre adhuc vivo ex ejusmodi bonis educati atque sustentati, prae natu minimo paternis bonis meliori cum commodo usi fructique erant, hisce acquiescere, atque adeo laribus patriis valedicere & alio se conferre cogebantur. Hoc *Lettiorum* fuit jus, hic illorum fuit ritus, ad quae e accommodarunt, quibusque vitam suam duxerunt.

§. 4. Superest, ut paucis *Lettiorum* ritus de feris capiendis enarrem. Quod ad feras spectat, quae cum majores, tum minores, magno & fere immenso numero apud eos reperiebantur, & hodie, quod experientia docet, reperiuntur, quilibet pro lubitu eas capere, retinere, hisque frui potuit, quocunque loco ei lubuit. In hoc enim argumento initebantur, quemadmodum nemo mortalium feras educavit, cibavit, vel aluit; sic neminem prae aliis in illas jus habere dictitabant, quamvis ante fores alicujus caperentur, aut configerentur. De aliis ritibus peculiari dissertatione, si DEUS voler, viresque concedet, agam. Jam charta me monet, ut subsistam, & ita ex clamen:

Soli DEO sit Gloria!



Hist. Russ.
6, provinc.
Livoniae.

